



Los Papas Heëlebaan

Los Papas Nujsbreef - Oehtgaaf 7, joargank 2012 /2013.

Leef lÿj!

Wat hant vieër wèr genoate. Âl die dònnerdigoavende dat vur òs in ut zjweet hant gesjpronge um alle danspeskes i te sjtudere woare zjwoar. Sjtuk vuer stjuk.

Ut pilske noa die sjlopende treëninge gòng d'r dan òg dansend in, uëver oos druëg tonge. D'r woeët vöel gelaghe mer òg uëver seriejeuze zake woeët gekald. En doomit weëd dudelik dat de Los Papas neet zoeëmèr unne groep is. Ut is unne kloep va vrung mit un bezongere en aparte vasteloaves-aura. Oos ieëste òptreëne begòs òp d'r ellefde va de ellefde en òp deë daag woare u paar jònge va Los Papas de knalbrigade beij ut konkoehr va d'r Heëlesje sjlager. Òp jieëker pleksjke i de Rousch woare vieër te vinge. Òg oos auw Garde-ekt bliet unne topper. Es vieër ut noe hant uëver oos nuj ekt mage vieër ruijig zage, dat die ekt igesjlage is wie un roeëd-greun-geël bom.

En vazellefsjpreëkend hant vieër wèr de deskundige begeleiding van oos Finy neet kinne misse. Oane heur houwwe vieër dit kunstzinnige hoeëgtepunkt mit hieël veul ritmegeveul va jieëkerinne, neet kinne hoale.

I de wandelgange va Los Papas lupt me al joare rònk mit ut iedee um un sjeërlieder-ekt te make woeëbeij egte manslÿj hun kragte en verleijdinge loate zieë.

Zoeë te zage wie me zeet, hant vieër òpgemerkt dat noa ut zieë va de nuj ekt eg neet alling de harte va oos ege vrouwlÿj flotter gonge kloppe ... Beij mennig òptreëne hant vieër oehtzinnige vrouwlÿj mage aantrefte tussje de dertig en de tagtig joar. Doabeij hant vieër mennige hullepdame zieën voetdreume.

En ut feinste van oos Finy is, dat zie en vieër same u meziekstjuk gevonge hant, woeë zellefs inne va Los Papas i de moat begint en i de moat eindigt. Me zouw d'r troane va i de oge kriege. Geweldig um dit mit te make.

En natürlig hant vieër wèr genoate va de sjluëteluëverdrag i Heële bis aa mennig 55+zitting en wat d'r tussje inzit. Pragtig um te zieë, zint òg de auwer lÿj es die zig i hun verzörgingshoehs unne middig of unne oavend amuzere. Waal ing kanttekening wille vieër zette: joamer dat vuër dees auwer lÿj ummer wieëniger geld is um un sjoëen aktiviteit te verzörge.

Òg u hoeëgtepunt woar de oehreking va ozze 'Superfen 2013'. Die ieër gong dit joar noa d'r Òpperwinkbül en sjpreëksjtâlmeester va De Winkbülle, Hans van der Logt.

Vieër, de jònge va Los Papas, wille jieëkerinne danke vuër de aagename samewirking, die, woeë da òg, hat plaatsjevonge en vieër hoape dat vieër aa uëre middig of oavend un pozietieve beijdraag hant kinne lieëvere. Wilt dieër nog wiejer igoa òp ut ee of anger dan bezeuk oos wepsait en loat doa u berigsjke agter.

Oos wunsj is dat vieër, went vieër òs wèr urges zient in unne narretempel, de boehd wèr òp sjtelte kinne zette. Dat is tog wie dieër dat van os gewend zeet.

De grus va de jònge va Los Papas!

Ger en Henk, Hans en Jo, Jo, Walter, Tibert, Jack en Louis.

www.lospapas.nl